

'Ua fa'aoti Esetera 'ia ani i tāna tāne fa'aipoipo, te ari'i, 'ia fa'aora i tōna ra nūna'a. 'Ua pe'ape'a rā 'oia 'e e riri tāna tāne fa'aipoipo. 'Ua ani Esetera i te mau 'āti Iuda ato'a 'ia ha'apae i te mā'a 'e 'ia pure nōna. I muri iho 'ua haere atu Esetera i te ari'i ra. 'Aita 'oia i riri !



'Ua ani manihini Esetera i te ari'i 'e tōna hoa 'ia haere mai i te hō'ē tamā'ara'a. I te tamā'ara'a, 'ua fa'a'ite atu Esetera i te ari'i ē e vahine 'āti Iuda 'oia. 'Ua riri te ari'i i te ha'avare a tōna hoa iāna. 'Ua parau 'oia e nehenehe tā te mau 'āti Iuda e pāruru ia rātou iho. 'Ua tauturu Esetera i te fa'aorara'a i tōna iho nūna'a.